

*Le 20 juillet 2005*

LA REGJISTRE CHRISTIANE RORATO I DEDICHE UN ALTRI DOCUMENTARI AL FRIÜL, D'INDULÀ CH'A SON PARTITS I SIEI VONS

# ROGAZIONS FRANCESIS

*La filmografie di Christiane Rorato, regjiste e atore francese cun lidrîs a Rivignan (Udin), si è insiorade di un'altre opare sul Friûl.*

Daspò di vê ideât, intrepretât e direzût il documentari trilengâl (furlan, francês, talian) "Vuerîrs de gnot, su lis olmis dai Benandants" ("Centri espressions cinematografichis" di Udin e "Prélude Média" di París, 2003), Christiane Rorato e à curât il cine "I Cantori di Cercivento e la IX Rogazione della Pieve di Gorto". L'opare e je saltade fûr chest an in gracie de ministrazion comunâl dal paîs cjargnel e e à vût i jutoris de Provincie di

Udin e de Region e la colaborazion de Plêf di San Martin. La Rorato e à documentât la tradizionâl Rogazion des Glesiis dal Cjanâl di Guart che ogni an e ven ripetude intun paîs de valade dal Dean, di Sapade/Plodn fin Davâr, comprindût Çurçuvint che, ancje se gjeografichementri nol jentre tal istès teritori, gleseasticamentri al è stât leât par agns e agnorums a la Plêf di Sante Marie di Guart, prime di jessi stralozât te

Foranie di Paluce e po di San Pieri. Te Rogazion dai 9 di Mai dal 2004, proferide tal documentari de Rorato, une part special le à vuole l'Onorande companie dai cjanâls di Çurçuvint, ch'e ten cont cun passion e cun competence l'anfic patrimonî dal cjanâl corâl liturgje di tradizion orâl de Plêf di San Martin (spie il numar 367 dal "nota cd book" dal editôr Valter Colle, [www.etnostudi.it](http://www.etnostudi.it)). Il cine "I Cantori di Cercivento e la IX Rogazione della Pieve di Gorto" al à par editôr "Aum Editions" di Nîmes ([aum.editions@wanadoo.fr](mailto:aum.editions@wanadoo.fr)).



L'"Onoranda Compagnia dei Cantori" de Plêf di Çurçuvint, ai 31 di Decembar dal 1963. La storie de corâl e je contade tal numar 367 dai "nota cd book". ([www.etnostudi.it](http://www.etnostudi.it))